

無上黃籙大齋立成儀卷之十九

在九

无上黃籙大齋立成儀卷之十九

在九

廣成先生杜光庭集

科儀門

禁壇儀

請師下降畢華夏讚引一周至地戶法師正立存如本儀別選

正一法師一人玄冠絳褐行

禁壇法事如高功自行亦可

泰玄都正一平炁係天師某治祭酒亦天三

五步罡元命真人

臣某上言 臣聞運陰陽者

莫過乎百靈濟

存亡者豈逾於大道故碧落

有災祥之變令人測之黃籙有拯拔之科今

人修之臣雖至愚切冀玄化濫佩大法叨稱

治官所歷壇場敢忘報效以今某年太歲某
甲某月某日奉爲某官某處宮觀爲某事崇
修无上黃籙大齋若干日夜行道轉經依科
關奏臣等澡形鍊氣熈心靜神剋期奉行敢
不上啓伏惟太上布忱在九新之令開覆育之恩
敕下真官分司降監使烟雲暫息於三界風
雨無施於四溟懺謝必聞啓傳無間臣不勝
仰望之至精思念真伏待報應

畢瞑目思青龍朱雀白虎玄武次頭
戴斗五星日月煥然四方垂手握固

呪曰

東方青龍角亢之精吐雲鬱氣噦雷發聲飛
翔八極周遊四溟來侍吾左
西方白虎上應觜參英英素質肅肅清音威
攝衆獸嘯動山林來立吾右

南方朱雀衆禽之長丹穴化生碧霄流響奇
綵五色神儀六像來道吾前

北方玄武太陰化生虛危表質龜蛇合形盤
遊九地統攝萬靈來從吾後

吾召四靈四靈既集即當遊帶日挾月巡行

九州十六神將爲吾使天官地官水官同其
休

次丁罡三步進前右手取劍執而呪

之曰

五行所運火木水土金我佩剛劍禁敕鬼神

在九

二

二十八宿隨吾指陳北斗七星挾輔靈真周
遊萬方百福同臻

次取水枕左手執之呪曰

江河淮海非常水五龍吐出清天地大帝服
之三萬年今日吾將淨妖炁

次劔水相向呪曰

東方青龍嚙符降真炁入吾水中南方赤龍
嚙符降真炁入吾水中西方白龍嚙符降真
炁入吾水中北方黑龍嚙符降真炁入吾水
中中央黃龍嚙符降真炁入吾水中吾水非
常之水五龍五星真炁之水吾劔非常之劔
九鍊堅剛七星挾旁踏躡北斗跨踞魁罡太
一生水周流萬方清無過水濁無過穢以清
蕩濁以水治穢急急如律令

重敕東方青帝木官解穢君吏九人南方赤

帝火官解穢君吏三人西方白帝金官解穢
君吏七人北方黑帝水官解穢君吏五人中
央黃帝土官解穢君吏一十二人上請天上
解穢吏地下解穢吏今歲直符解穢吏今月
直符解穢吏今日直符解穢吏今時直符解

在九

三

穢吏解穢將軍吏兵真人童子一合真官降
下屆此齋壇之所解除天穢地穢人穢鬼穢
牛馬六畜禽蟲之穢破穢鳳凰從前至後自
東及西以次解穢立遣清淨即使天穢還天
地穢還地人穢還人鬼穢還鬼一切邪穢速

去萬里不得留止急急如律令

次西行至乾上呪曰此名禹步呪

乾尊耀靈 坤順內榮 二儀交泰 六合利貞

配哭享地 永寧肅清 應感玄黃 上衣下裳

震離坎兌 翼贊扶將 乾坤艮巽 虎步龍驤

天門地戶 人鬼璣衡 衛我者誰 旻天旻蒼

今日禹步 上應天罡 鬼神賓伏 下辟不祥

所啓所陳 應時靈光

次禹步三步九跡自西北至東北面

南呪曰

上請東方青帝青童君從官兵士九千萬人
乘歲星真炁浮空而來降臨壇所臣從東北
角結界至東南角行神布炁搜索邪精祛除
鬼賊有罪無赦

次三步九跡自東北至東南面西呪

曰

上請南方赤帝赤童君從官兵士三千萬人
乘熒惑星真炁浮空而來降臨壇所臣從東
南角結界至西南角行神布炁搜索邪精焚
燒鬼賊有罪無赦

次三步九跡自東南至西南面北呪

曰

上請西方白帝白童君從官兵士七千萬人
乘太白星真炁浮空而來降臨壇所臣從西
南角結界至西北角行神布炁搜索邪精誅
斬鬼賊有罪無赦

在九

次三步九跡自西南至西北面東呪

曰

上請北方黑帝黑童君從官兵士五千萬人
乘辰星真炁浮空而來降臨壇所臣從西北

角結界至于中央行神布炁搜索邪精漂蕩
鬼賊有罪無赦

次三步九跡從東南面壇心呪曰

上請中央黃帝黃童君領黃衣兵士十二萬
人乘鎮星真炁浮空而來降臨壇所臣從上
方結界至于壇中行神布炁搜索邪精埋藏
鬼賊有罪不赦

次順行至東北面北呪曰

臣今奉爲某官某乙修建黃籙大齋依科行
道上請天仙兵馬九億萬騎地仙兵馬九億

萬騎飛仙兵馬九億萬騎真人兵馬九億萬
騎神人兵馬九億萬騎日月星宿兵馬各九
億萬騎九宮五帝兵馬各九億萬騎三河四
海兵馬各九億萬騎五嶽四瀆兵馬各九億
萬騎並各嚴裝絡繹風震雷舉雨沸雲騰一

在九

五

合來下降臨壇所遶壇三匝蓋壇三重上張
天羅下布地網九土齊功兵馬列陣於壇場
內外四面八方所有土木精邪伏尸故炁一
切凶穢於道不順者收付魁罡之下入地萬
丈無動無作急急如

太上老君律令

畢於地戶上書鬼字卓劍於鬼心中

噴水垂手握固向鬼門呪曰

九天有命 普告萬靈 促召天真 俱會帝庭

太一下降 雙星翊精 監察禦邪 理炁攝生

若有不祥 干試神明 請帝之道 敕整神兵

七神秉鉞 天鋒右征 揮劍前驅 煥擲火鈴

檄命甲騎 虎卒天丁 風火齊戰 伐邪狡精

上威六天 下攝魔靈 既威既攝 萬凶滅形

神戈電掃 姦妖無生 仙皇建節 有命敢停

拒節違命 是誅汝形 各警各慎 保茲蕃寧

九天告命 萬神敬聽

次華夏贊引法師自地戶旋行升壇

禮燈儀 先學仙頌贊引法師出堂次吟

於地戶上立班禮祝

太極太虛真人曰陰陽立象天地分形晝夜
既殊晦明有異所以清浮表質諸天為僊聖
之都濁厚流形諸地為鬼神之府九天之上
陰炁俱消九地之下陽光永隔是則幽冥之
界無復光明當晝景之時猶如重霧及昏暝

之後更甚陰霾長夜罪魂無由開朗衆生或
無善業夙有罪根歿世以來沉淪地獄受諸
惡報幽閉鬱都不覩三光動經億劫我天尊
大慈悲愍弘濟多門垂然燈之文以續明照
夜靈光所及罪惱皆除更乘懺拔之緣便遂

在九

六

往生之願若有善男子善女人發無上道心
依按科格來詣齋所齋備香油爲國主帝王
君臣父子三塗九夜若幽若明依法然燈照
燭内外上映諸天之上福堂之中下照九地
之下地獄之內使苦魂超度幽爽開光九祖

生天三塗罷暗福霑一切功德無窮當知此
人積劫善緣必得成道今有某乙修建黃籙
大齋依按簡文然燈供養當願帝王享福二
景著明七祖生天三塗朗晏見世神明敬祐
真聖護持福祚巍巍永登仙界弟子每拜

上元金籙簡文真仙品曰然燈威儀於道戶
上然二燈以照齋主住宅為弟子消災度厄

安鎮宅神弟子於燈下禮三禮法師呪曰

正一陽光 炎上朱烟 開光童子 一十二人

洞照一宅 及得我身 百邪摧落 却鬼萬千

光明朗徹 通真遠靈 升入無形 與道自然

上元金錄簡文其仙品曰然燈威儀於本命

上然三燈以照三魂為弟子制邪度厄拘守

三魂弟子於燈呪曰

陽光洞明 三魂自生 總錄萬神 長附我形

在元

日月齊景 永保無傾

上元金錄簡文真仙品曰然燈威儀於行年

上然七燈以照七魄為弟子安神却禍制魄

除邪弟子於燈呪曰

明燈攝光 遊精不飛 七魄安守 萬神綿歸

日中齊景 長處光輝

上元金籙簡文真仙品曰然燈威儀於太歲
上然一燈以照太歲之神為弟子除一年災

害福慶來臻

弟子於燈
下三禮

呪曰

太陽流暉

光焰四方

洞照我身

七緯九重

內朗外明

洞達太空

上元金籙簡文真仙品曰然燈威儀於太墓

上然三燈以照齋主代世塚墓為弟子拔度

先世亡魂託生淨域斷絕注訟解復連之災

弟子於燈下
向大墓三禮
宮羽辰商丑角未徵戌 呪曰

太陽冥冥 萬劫無期 陽光洞煥 下照朽骸

魂受光明 景更反胎 得生玉門 歡樂怡怡

上元金籙簡文真仙品曰然燈威儀於小墓

上然五燈以照齋主近代塚墓拔度神爽得

生天堂利祐見在福祚興昌 弟子於燈下向小墓三禮官用

戊商未角 呪曰 丑徵長

長夜幽冥 萬劫無開 景潛太陰 七魄蕩飛

朱靈童子 太陽洞輝 照明魄戶 神爽同歸

上元金籙簡文真仙品曰然燈威儀於中庭

然七燈以照七祖父母幽魂苦爽得生天堂

弟子於燈下呪曰
向地戶三禮

天地回轉 代謝相推 九幽無光 七祖不開

太陽開度 死魂應歸 明燈續夜 朽骸生輝

上元金籙簡文真仙品曰然燈威儀於中庭

然九幽之燈以照九幽長夜之府拔度九幽

在九

之中弟子先亡魂爽覩見光明
弟子於燈下
向戌巳西南

方三 禮 呪曰

九幽冥冥 萬劫無光 長夜閉魂 元始未通

華燈續明 下照土皇 開度七玄 上升南宮

洞照一宅 世為仙王

上元金籙簡文真仙品曰然燈威儀於夾門

然二燈以照宮宅為弟子祛邪捕惡保護闔

門弟子於燈下呪曰

陽光開朗 朱烟爛輝 太炎童子 備守玄扉

洞照宮宅 四窻八闢 驅鬼捕邪 萬精斬摧

三界敬護 世世不衰 眾真交會 日月齊輝

上元金籙簡文真仙品曰然燈威儀於地戶

上然二十四燈以照二十四生氣為弟子延

生益炁增福安神注上生名削除死籍弟子於燈

下向地三禮呪曰

三部八景 合成我身 二十四炁 以成我神

明燈自然 上開泰玄 身度水火 與炁自然

八景齊光 願得神仙

上元金籙簡文真仙品曰然燈威儀於八方

然八燈以照八卦為弟子照耀八達開聰九

在九

宮八神密衛八方開通

弟子於燈下

禮 呪曰

三景煥明 八卦開窓 天炁靜閉 太陰隱光

華燄照冥 萬願開通 身入光華 永享無窮

上元金籙簡文真仙品曰然燈威儀於四面

中央然九燈以照九宮為弟子度九宮災厄

上九宮仙名弟子於燈下呪曰

九五分位 天地開張 玄光潛伏 太陰太陽

明我華燈 上照九宮 玄夜開朗 我願吉昌

上元金籙簡文真仙品曰然燈威儀於十方

然十燈以照十方為弟子照明十極招真降

靈解釋災厄名書十天弟子於燈下呪曰

天開地閉 玄陰不明 爛上朱烟 為我通冥

十方尊神 玄鑒我形 魂魄同輝 自然光精

上元金籙簡文真仙品曰然燈威儀於四面

然二十八燈以照二十八宿為弟子削除死

錄蓋上生名北斗落死南斗延生弟子於燈下向東南

三禮呪曰

明星大煥 光流十門 玄精下映 九幽不宣

我然華燈 乘光上聞 願得清蓋 照我形魂

上元金錄簡文真仙品曰然燈威儀於天門

上然三十六燈以照三十六天為弟子開度

上親父母昇入天堂弟子於燈下呪曰

龍漢蕩蕩 三炁乘玄 梵行渺渺 彌羅大千

悠悠長魂 仰望綿綿 今日明燈 我願我仙

與我七祖 同昇諸天

上元金籙簡文真仙品曰然燈威儀於五方
然五燈以照五方為弟子上名仙籙保鎮身
形弟子於燈下呪曰

五嶽靈山 安鎮五方 五帝尊神 神仙之宗

今日然燈 上照天王 記我命籍 度入仙宮

在九

十

七祖解脫 同昇太空

上元金籙簡文真仙品曰然燈威儀功德至
重上照諸天下明諸地八方九夜並見光明
見此燈者皆得罪滅福生然燈之主其福甚
深六祖父母上生天堂去離憂苦永出九幽

逍遙上元仙宮之中見在安泰子孫興昌門
戶清肅萬災不干存亡開度生死荷恩功德
無量所向從心於家於國咸獲利貞九夜三
塗並登真道

忘然燈呪法出上元金籙簡文經杜廣成
儀落景行道畢導引衆官弟子等旋遶燈
下依位呪之每呪畢衆官弟子皆禮留冲
靖祝燈在宿啓前似不如宿啓後合宜也
每夜一禮祝爲佳法師心力不逮遣侍經
侍燈禮祝之亦可弟子止於都門外拜禮

也

次念善

次以學仙讚引歸元師前散如常儀
上元金籙簡文真仙品曰然燈威儀侍燈之
官勤爲用意每令燈光明徹竟外不得中滅

在九

十一

半暗半明令人絕世常宜謹之
上元金籙簡文真仙品曰然燈威儀明旦滅
燈法師呪曰

玄陰開光 長燈續明 太陽已朗 八幽開清

燈還太陰 光附景生 日月二真 與我合并

欽定大清會典事例
禮部
祝畢便滅燈

无上黃籙大齋立成儀卷之十九



